

光緒重修安徽通志

重修安徽通志卷一百四十六

職官志

名宦十

廬州府

漢王景字仲通潁邯人建初八年爲廬江太守先是民不知牛耕地力有餘食常不足景驅率吏民教用犁耕又訓令蠶織爲作法制皆著於鄉亭

後漢書本傳

應融字義高汝南人守廬江八年有惠政

漢紀

范式字巨卿金鄉人順帝時爲廬江守有威名

後漢書本傳

羊續字興祖太山平陽人桓帝時廬江太守會黃巾賊攻舒焚燒城郭續發男子二十以上皆持兵勒陳其小弱者使負水灌火力戰大破之安豐賊戴風等作亂續復擊破斬首三千餘級

生獲渠帥其餘黨貸與佃器使歸農業

後漢書本傳

盧植字子幹涿郡人靈帝時拜廬江太守深達政宜務存清靜

宏太體

後漢書本傳

陸康字季甯吳人靈帝時廬江太守申明賞罰擊破賊黃穰等

袁術遣孫策攻康康固守受敵二年城陷病卒

後漢書本傳

魏劉靖馥子黃初中遷廬江太守詔曰卿父昔爲彼州今卿復

據此郡可謂克負荷者也靖爲政初雖如碎密終於百姓便之

有馥遺風

魏志劉馥傳

張特涿郡人守合肥新城及諸葛恪圍城將陷乃謂吳人曰此城中尚有半人不欲降我當還相語之且持我印綬去爲信吳人聽其辭而不取其印綬不攻特乃夜出諸屋材柵補其闕二重明日乃謂吳人曰我但有鬪死耳吳人大怒進攻之不能克

遂引去

三國志少
帝紀注

吳顧雍吳人州郡表薦弱冠爲合肥長有治蹟

三國志
本傳

呂蒙汝南富波人魏使廬江謝奇爲斬春典農屯皖蒙曰皖田

肥美若一收熟彼眾必增宜早除之於是權親征皖破之嘉其

功拜廬江太守

三國志本
傳增修

晉華譚字令思廣陵人永甯中廬江內史時石冰之黨陸珪等

屯據諸縣譚遣司馬褚敦討平之又遣別軍擊冰都督孟徐獲

其驍卒以功封都亭侯

晉書
本傳

陶侃鄱陽人徙家尋陽廬江太守張夔召爲督郵領樅陽令有

能名遷主簿會州部從事至郡欲有所按侃曰若鄙郡有違自

當明憲直繩不宜相偪若不以體我能禦之從事卽退

晉書
本傳

陳荀朗字深明潁陰人侯景之亂朗招率徒旅據巢湖閒簡文

授朗豫州刺史令與外藩討景朗更招致部曲至數萬人侯景

敗於巴陵朗出濡須截景破其後軍

陳書本傳增修

隋韓擒虎東垣人開皇初高祖潛有吞并江南之志以擒虎有文武才用夙著威名於是拜爲廬州總管委以平陳之任甚爲敵人所憚及大舉伐陳以擒虎爲先鋒擒虎率五百人襲采石守者皆醉遂取之進攻姑孰半日而拔次於新林江南父老素聞其威信來謁軍門晝夜不絕

隋書本傳增修

唐賈深長樂人乾元中廬州刺史有文武才略推心馭下治有

嘉績

李華崔公德政碑

李翱字習之廬州刺史歲旱疫亡籍口四萬權豪賤市田屋而墾戶仍輸賦翱下教使以田占租收豪室稅萬二千緡貧弱以

安

唐書本傳

鄭繁字蘊武廬州刺史黃巢掠淮南繁移檄請毋犯州境巢爲斂兵州獨完歲滿去贏錢千緡藏州庫後他盜至終不敢犯鄭

使君錢

唐書本傳

五代周宋琪薊人周世宗時金陵歸款趙贊鎮廬州表琪爲觀察判官部有冤獄琪辨之免死者三人

宋史本傳

宋謝惟士陳畱人建隆初以大理評事出爲廬江令江淮新定繕修縣治撫綏士民境內以安

南畿志

何蒙洪州人太平興國中通判廬州時火燔廨舍榷務俱盡蒙假民器貸鄰郡麴米爲酒旣而課入增倍戶部使上其狀詔資

緡錢獎之

宋史本傳

陳堯佐字希元閬州人嘗知壽州歲饑出俸米爲糜粥食餓者吏人悉獻米至振數萬人徙廬州以方嚴東下使人知畏而重

犯法至其過失多保佑之

宋史本傳 歐陽修陳公神道碑 增修

劉筠字子儀大名人再知廬州臨事明達治尚簡嚴

宋史本傳

劉纓字居正廬鄉人眞宗時知廬州強敏有吏材所至挫抑豪

右振舉文法

宋史本傳

陳希亮字公弼眉州人仁宗時執政欲以爲大理少卿希亮願得一郡以自效乃以爲宿州州跨汴爲橋水與橋爭常壞舟希亮始作飛橋無柱以便往來皇祐元年盜起宛句以希亮爲曹州悉擒其黨淮南饑安撫轉運使皆言壽春守王正民不任職坐免詔希亮代之轉運使調里胥米而蠲其役凡十二萬石米翔貴民益饑希亮至除之且表其事旁郡皆得除久之徙知廬州虎翼軍士屯壽春者以謀反誅遷其餘數百人於廬皆自疑不安有竊入府舍將爲不利者希亮笑曰此必醉耳貸而流之

盡以其餘給左右使令守倉庫皆感德指心誓為希亮死

宋史本傳

修增

張田字公載澶淵人嘉祐末知廬州治有善迹嘗作清賢堂繪

古昔清刺史像晨夕拜之

宋史本傳

楚建中字正叔洛陽人仁宗朝以天章閣待制出知無為軍廉

靜不擾去後民立祠祀之

明隆慶廬州府志

傅堯俞字欽之鄆州人由侍御史出知和州通判楊洙問曰公

以直言斥居此何為未嘗言及御史時事堯俞曰今為郡守當

宣朝廷美意而反追言前日之闕政與誹謗何異徙知廬州司

馬光嘗謂邵雍曰清直勇之德人所難兼吾於欽之見焉

宋史本傳

修增

王質字子野莘人由壽州徙知廬州盜殺其徒并質而遞捕得

之質論盜死大理以爲法不當死質疏上不報請監舒州靈仙觀逾年韓琦知審刑院請盜殺其徒非自首者勿原著爲令於是鄭戢葉清臣皆言質非罪且稱其材

宋史王祐傳

孫覺字莘老高郵人神宗時爲合肥主簿歲旱州課民捕蝗輸官覺言民方艱食若以米易之必盡力是爲除害而享利也守悅推其法於他縣熙寧二年詔知諫院青苗法行覺條奏其妄安石怒出知廣德軍徙廬州

宋史本傳以明恕著聲舊志

朱服字行中烏程人以直龍圖閣知潤州歷徙廬州廬人饑便宜振護全活十餘萬口逾年大疫又課醫持善藥分拯之賴以安者甚眾

宋史本傳

楊告字道之緜竹人調廬江尉時張景笞吏死而吏捕急逃歸告懼不見納告曰君勿憂也吾死生與之景卒免

宋史本傳

王遵紹聖初知無爲軍健於吏才興三圩開十二井又築北領以捍水患世蒙其利

南豐志

吳懋字禹功陽羨人徽宗時令廬江時劇盜劉五掠州縣去廬江纔一驛懋之官行至中途或止之懋笑曰男兒當斬賊平亂鼠輩何爲者今行縛之矣賊聞不敢入境

南豐志

黃陞字進仲建州蒲城人崇甯二年進士知合肥縣當兵興之際一切供給賦取於民陞隨事力爭有不得已視其等衰而均之吏不得因緣爲姦

福建通志新増

陳瓘字瑩中南劍州沙縣人大觀中以右司諫劾蔡京謫知無爲軍爲政廉平

明隆慶廬州府志

米芾字元章吳人政和間知無爲軍善察民冤行法不畏強禦

嘗有飛蝗入境不傷禾稼人咸異之

舊注宋史文苑傳按本傳不載

趙善俊太宗七世孫紹興中知廬州會歲旱江浙饑民屬至善俊括境內官田均給之貸牛種僦屋以居死者爲給槥人至如歸州城舊毀於兵善俊葺完之因言異時恃巢湖以通餽餉今旣湮涸宜募鄉兵保孤姥二山治屋儲粟敵或敗盟則吾城守有餘餉道無乏又增築學舍新包拯祠春秋祀之人感其化後再知廬州復芍陂七門堰農政用修免屬邑坊場河渡羨錢百姓德之

宋史本傳
增修

岳飛字鵬舉湯陰人紹興三年烏珠

舊作兀朮

劉豫合兵圍廬州高

宗手札命飛解圍提兵趨廬僞齊已驅甲騎五千偪城飛張岳

字旗與精忠旗金兵一戰而潰廬州平十一年謀報金分道渡

淮飛請合諸帥之兵破敵師至廬州金兵望風而遁

宋史本傳

張宗顏字希賢延安人紹興八年知廬州總帥事敵數百騎抵

城下宗顏以騎百餘禦之敵退有至自淮北者傳金人言曰此

張鐵山弟也

宋史本傳

趙康直紹興中知廬州鄺瓊之叛與判官呂祉同死於戰

明統志

劉錡字信叔順德軍人紹興中以淮北宣撫判官駐太平州金

兵攻廬和二州錡自太平抵廬州據東關之險以遏其衝引兵

出清溪兩戰皆勝行至柘皋與金將夾石梁河而陣河通巢湖

廣二丈錡命曳薪疊橋須臾而成會諸軍奮擊之敵大敗

宋史本傳

仇念字泰然益都人以淮西宣撫使知廬州劉豫子麟合金兵

大入念募廬壽兵得數百益鄉兵二千出奇直抵壽春城下敵

三戰皆北其後麟復增兵來寇念復戰壽春城下俘馘甚眾尋

詔詣闕軍民號送

宋史本傳

趙汝談字履常甯宗時知無為軍與安豐守陸峻俱稱循吏

宋史

增修

丁仁澧陵人甯宗時知無為軍築堰以溉田民呼丁公堰

一志

宇文紹節字挺臣廣都人甯宗時知廬州時韓侂胄方議用兵

紹節至郡議修築古城剏造砦柵專為固圉計

宋史本傳

江瑄理宗時集縣令飭縣治振士風修學校

集縣志

王亨廬州守劉豫遣將王世冲以蕃漢兵攻廬州亨誘斬世冲

大敗其眾

宋史高宗紀

洪福夏貴家僮積勞加右武大夫知鎮興貴既臣附於元招福

不聽貴至城下好語語福請單騎入城門發而伏兵起執福父

子福子大源大淵諱曰法止誅首謀何至舉家為戮福叱曰以

一命報宋何至告人求活大罵請向南死以明不背國

宋史美才傳

元郝彬信安人世祖時同知淮西道宣慰使事覈戶版理屯田

諸廢修舉江淮財賦總管府掌東宮田賦其官屬皆從詹事院
奉授不隸中書往往爲姦利誅求無厭彬爲總管入見請受憲
司糾察以革私弊罷所隸六提舉司以蘇民瘼從之

一統志

特穆爾巴哈世祖孫天厯初封宜讓王鎮廬州至正十二年境
內賊起廉訪使陳思謙勸特穆爾巴哈以所部兵分道擊賊擒
其渠帥廬州境內皆平

一統志

恩克圖至元中鎮廬州以私財築室一百二十餘間以居軍士
之貧者事聞特命升其秩

一統志

塔海廬州路總管時飛蝗北來民患之海禱於天蝗卽引去亦
有墜水死者民乏食開廩減直俾民糴之所活甚眾

元史本傳

王碩河南人延祐初無爲州同知廉潔有幹才不畏疆禦嘗檄
清理學田搜決隱漏凡得田一百一十九頃又追積負糧米三

百石自是廩有餘粟士得餽養

李森卿王君碑

變理溥化蒙古人泰定閒任舒城縣達嚕噶齊歲旱民饑富家

閉糴眾將肆焚掠溥化獎勵好義之民令出錢糴穀驗口賙給

四境以安

江南通志

明董曾洪武初知無爲州陳友諒陷城被執欲其降不屈沈之

江一統志

李崙咸甯人知廬州府歲旱悉心賑救蝗不入境立俵馬法定

鹽鈔價勘河橋廣儲蓄善政具興

一統志

蘇敏昌平人洪武初廬州推官刑政不苛擢知府莅任入載甚

得民心卒於官百姓無不流涕

南畿志

伍塾字貢均廬陵人洪武中知廬江開設縣治招撫流移嘗手

書孝經論語教民誦讀

江南通志

樂瓚潞州人洪武十年知無為州剛毅信直吏民畏服

南畿志

劉穀字原實龍泉人補無為知州除水面錢均夫差門無私謁

江西通志
新增

鄒以信廬陵人永樂五年知無為州政尚德教州人感化以博

學能文稱文章太守

南畿志

王仕錫南城人永樂二十二年知無為州興學勸農修廢舉墜

任滿民請畱之復任九年

南畿志

揭稽字孟哲廣昌人宣德十年以御史出知廬州興革悉中矩

度先是永樂中遷齊藩於廬州王素驕衛士強擾民物為郡害

稽力奏移之

江南通志

劉顯豐城人宣德十年知舒城縣課農桑興學校開水利與漢

劉馥俱祀羹頤侯廟

江南通志

杜彪魏縣人知無爲州初下車故不事事案牘紛積吏胥以爲可欺已而情弊灼然迺振紀綱均賦役鋤強扶弱民大悅服

通志

程文確山人成化中知舒城縣通練吏治興學校修水利歲災

爲民懇免歲辦繇賦尋擢御史

通志

馬金字汝礪西充人初授廬州通判再遷知府歷任久盡去宿

蠹建余忠宣公祠又創景賢書院修郡學尊經閣購書藏之

通志

通志

齊恩隆德人無爲州同知善騎射流寇犯圖山檄恩往禦以眾

寡不敵死之贈光祿寺丞

通志

吳英裕州人成化間知巢縣理治繁劇井然有條奸胥無所措

手

通志

梅江嘉興人進士授廬江令與利剔蠹政聲藉甚士民畏愛之

浙江通志
新增

孫佐宏治中任廬州府學教授性敦厚寡言笑授生徒以經學

寒暑不倦有貧乏者分俸周之

明統志

胡陽宏治中知廬江縣廉威明直抑強扶弱重築邑城民永賴

之

明統志

楊璉字廷佩原武人正德中知廬州府時劉瑾專政境內有巨

惡張杲璫張龍兄也璉發其奸撲殺之庫吏循故事以羨餘獻

璉曰盜官錢者法當遣速令歸之庫

江南通志

聶曼字子貞金谿人廬州教授邃於易學終日端坐無惰容僚

友喪葬多所伙助諸生尤貧者月給以米

江南通志

孫聰字克明北直人正德中知合肥寇亂之後招撫流移悉心

安集

江南通志

龍誥字孔錫攸縣人正德中知廬州府嘉靖癸未大旱開廩設粥平糶營建惠民倉鎮淮樓藉力役以給食所活數萬道死者

設義冢瘞之

江南通志

吳嶽字汝喬汶上人嘉靖中知廬州府設旌善癉惡二亭分列民之賢不肖朔望進諸生講經義歲大疫擇醫藥設局以療之稅課千金例輸府悉白上臺貯公帑西山產薪惟供官爨弛其

禁與民共之

江南通志

胡奎字應文新淦人嘉靖間廬州推官議刑無失入註誤者多

爲辨脫

江南通志

張瀚字子文仁和人嘉靖間知廬州州西關故有濠源出李陵雞鳴諸山雨潦則病涉瀚跨流爲橋民賴以濟歲祲發粟嚴禁

糴販數讞大獄多所平反

江南通志

屠仲律字宗預嘉興人嘉靖庚申以南御史出知廬州府諳於吏治而愛民尤切歲歉罄囊代輸秋稅不復徵補會疾作百姓祈禱四出願以身代竟卒於官

江南通志

王家賓嘉靖閒知廬州府卹荒興學皆極誠懇以拂權貴去官

江南通志

潘恕字行甫海陽人嘉靖閒知合肥縣吏民一見輒記名姓置

學田數百畝歲收以給寒畯

江南通志

陳其樂貴溪人嘉靖中知合肥縣雖居官家人不廢紡績其同

邑夏言執政未嘗一通音問

江南通志

喻南嶽字極夫新建進士遷廬州知府新安人挾重貲遊無爲州州人某利其有拉殺之而匿其屍事已半載南嶽坐堂上問

左右曰階之下披髮短裳而水淋漓者誰耶左右無對嶽曰若有冤第爲若理卽沐浴禱於城隍神明日呼左右一人來授以

名居令往捕之一訊輒服

江西通志
新增

陳懋觀長樂人隆慶初知廬州府遇事以禮嘗曰每見諸生暴階下心卽不安斷獄不輕入罪情法相麗者猶矜慎再三

江南通志

何寵臨海人由進士知無爲州不事苛察而法所當施絕無寬假倭入寇江上羽書日至寵築城池申嚴烽燧一方賴焉

江南通志

王俸字廉父秀水人萬曆中知廬州府剔蠹息民歲大旱手執

稿禾流涕禱壇壝且拜且行赤日正午雷雨忽大作

江南通志

江沛然黃岡人以給事中謫任廬州府經歷署廬江縣事積弊

之後力爲振刷廉巨奸寘之法一境肅清

江南通志

陳應龍字起田侯官人萬曆十五年知無爲州濱江一帶爲圩

三百六十有奇盛夏江流內灌膏腴盡沒應龍親歷汙萊相度累月申請照糧派夫築隄五千二百七十餘丈民名之曰陳公

壩

江南通志

何邦漸字紹渠浪穹人萬厯中知無爲州州歲徵漕米八千九百有奇約以十之四運黃雒河交兌北上餘由長江行千三百里解鳳陽江濤覆溺及虧耗需索甚爲民害邦漸請畱鳳陽臨淮二縣米充鳳餉而本州併於黃雒河交兌彼此稱便

江南通志

胡震亨字孝韓海鹽人萬厯中知合肥英察若神民扞網者輒指數姓名蠹吏不敢有所犯邑有世家裔犯竊震亨資以錢諭令改行其人感愧向善

江南通志

洪邦光字世龍同安人知無爲州除養馬免糧田外一切歲辦不均邦光酌議申請分秋糧夏麥絲絹糖油四則以稅糧馬價

照畝均攤至今垂爲定例

江南通志

王觀光字子聞福建晉江人知舒城縣縣富民多飛灑脫役貧者益困觀光總計米額設法派貼貧富始均有屠謀殺其伴投屍與刀潭中仍自控訴亟馳視之有蛙跳蓮葉鳴不已使沒水驗之得屍屠刀在焉遂抵罪一妖男子以婦貌入富貴家事發不訊立斃之遷刑部主事有富商奴吳榮擁資數十萬投魏璫反噬其主璫敗繫獄榮布賄求脫觀光立擬決輿論稱快

福建通志

增

新

吳大樸固始人崇禎時知廬州乙亥春流寇薄城大樸守東門發礮斃其魁火燒城外民居之爲賊窟者又起礮樓臨濠東石

牖賊不敢逼

江南通志

熊文舉字公遠新建人崇禎時知合肥縣爲政廉平流賊薄城

文舉分守西偏築威遠亭其上指畫有方

江南通志

張化樞雲南人崇禎間任漢陽推官以事來謁史可法因畱署無爲州州城陷爲賊擁至桐城城下使賺門化樞大呼曰我無爲州知州也賊脇我至此慎勿開城賊立刃之後葬桐城西門

岡

廬州府志

嚴覺歸安人崇禎中知巢縣愛士愛民剔除奸蠹乙亥春流寇破城被執不屈死之家屬同時殉難

明史廬縣傳

趙興基雲南太和人崇禎中爲廬州府通判賊張獻忠抵城下遣其下僞爲諸生以入城中大擾興基時守水西門聞變下戍

樓與鬪斬數人被創死

明史本傳

鄭元綬浙江人崇禎末廬州府經歷流寇攻廬州元綬分守南

薰門力戰死

明史趙興基傳

國朝趙允光大興人順治初知廬州府時兵燹之後流亡未復允光招徠撫字輕徭均賦民復其利無為巢縣閒有頑民聚黨為

患允光捕之悉獲其魁繩以法

一統志

張鵬翔字鵬舉陝西人順治丁亥進士知合肥縣為政和平嚴

不傷効寬不病縱當時以為循吏

江南舊志

吳允昇字賓廷奉天人順治九年知廬州府寡欲省刑民被其

惠時歲連旱允昇設法賑濟全活者眾學宮圯壞捐貲繕葺士

民立祠祀之

一統志 江南舊志

王業興字鳴石奉天人順治中知廬州府值海氛偪境業興親

率家丁及營卒登陴捍禦屢挫賊鋒州得無恙治郡十三年勸

課農桑減省刑獄民咸德之又出俸錢建斗文書院聚諸生肄

習其中後遷荆南巡道

一統志 江南舊志

佟國楨奉天人順治中知無爲州瀕江田廬恃圩壩爲捍蔽士
六年三壩將圯國楨相度形勢自鮑家橋至周思溝豫築隄四
千丈有奇名曰四壩後三壩傾而田廬卒無恙一統志

王宗聖奉天人順治中知舒城縣年甫弱冠詳慎如老吏斷訟
莅事吏不能欺兵燹後安輯流亡威德並著江南通志

張可捷大同人順治中知舒城縣爲人惻怛無華不炫才不沽
名安靜寬和始終如一蔬食布袍順民好惡一時稱良吏焉江南通志

通志

祁文友廣東人順治十八年知廬江縣清丈量均里甲平賦役

勸農桑

一統志

薛之佐字鶴齋蒼溪人知廬州府精明強幹剔弊釐奸豪強不
逞之徒皆潛徙境外士民頌之江南通志

蘇源字天水宣化府人知廬州府爲政寬簡愛民禮士值

一大兵至郡軍需旁午源殫心籌畫民以不擾引年歸士民泣送之

江南通志

顏堯揆永春人康熙六年知無爲州時前令佟國楨所築新壩

漸爲江濤所齧堯揆自李家祠至王家渡築壩八百八十丈闊

三丈高一丈九尺次年大水田廬恃以無恙并和州含巢二縣

皆賴焉州民勒石於壩上名曰顏公壩

一統志江南通志

何朝聘奉天人康熙初知舒城縣明敏有才略正賦不缺於供

而民無催科之擾招民墾田給以牛種治舒七載獄訟衰息

一統志

董守義奉天人康熙中知舒城縣有幹濟才逆藩之亂舒爲衝

邑官兵往來絡繹舟車芻糗應時而辦閭閻無擾邑人戴之

一統志

志

萬人長睢甯歲貢康熙中年九十三始任舒城訓導骨體剛健課士不懈善畫山水年九十六告歸又二十五年乃卒

舒城縣志新

李衍芳字微遠雲南人康熙二十三年知廬州邑南有二湖環

湖皆圩田惟缺口一河通江洩水豪民每截河作壩障上流以資灌溉澇則以鄰爲壑又編竹橫於河以收魚利民病之芳特

申請除之

江南通志

朱振浙江嘉興府進士康熙中任舒城知縣漕糧紅白分納民苦於揀米振請得免濬七門堰開包家堰以溉民田積勞卒官

祀名宦祠

廬州府志新

孫承祚漢軍正白旗人康熙中任廬江知縣善折獄奸猾不得

遲允愛士獎勸備至刻有廬江課士錄任九年士民戴德卒官

廬江縣
陳志

蔣鶴鳴秀水人爲舒城知縣舒自明以來水道淤塞田多旱患
鶴鳴下車卽講求濬治捐俸勸輸士民樂助是歲適遭荒歉卽
令貧民受值執役不三月開久湮之河七十餘里民不告勞工

亦速竣

浙江通志
新增

徐大枚字梅麓奉天人雍正初知廬州府居心仁厚聽斷公平
子文燦乾隆閒復以海門同知權知廬州府亦多善政今廣益

局卽所創建

廬州府志

陳慶門字容駟陝西盤屋人雍正七年任廬江知縣修學宮倡
捐六千金築城濬濠置義田建社倉遷四川達州知州

廬江縣志

新

蔡長瀕字巨源漳浦人乾隆閒知廬州府增置書院田租士賴

以養清釐案牘無十日不結者

廬州府志

方芬字香浦香山人乾隆閒知廬江縣清廉自矢案無留牘在

任賠累數千金以艱歸士民醵貲代償乃得行

廬江縣志

馮愿青州人乾隆初署無爲州以文學飾吏治尤愛敬文士而

於官事仍無所徇後以註誤去士民咸惜之

無爲州志

李廷績字熙堂江蘇太倉人任無爲州吏目乾隆乙巳歲旱饑

僱民婦收養遺嬰至次年麥熟止又與州紳捐貲爲收贖賣妻

鬻子之費

無爲州志

舊志

狄寬江蘇溧陽進士乾隆十年任巢縣知縣興水利親歷田畝

挑塘四千三百餘處巢湖多風濤置船救生增設義學延師教

導士民觀感十七年卒官祀名宦祠

閩鈔新增

趙霖河南人乾隆間署無爲州巡撫朱珪檄委挑濬上河霖躬親督理不避風雨催集民夫仍寓軫恤民情鼓舞先期蒞工州人德之後卒鳳陽同知喪過無爲弔賻者數千人

無爲州志

郭起元字復齋福建閩縣人以賢良方正授舒城知縣下車釋冤獄數十人

福建通志新増

趙瓚奉天人乾隆十五年任廬州府倡修郡學置書院田產以贍膏火增建講堂齋舍二十餘楹貯書其中故士氣蒸蒸日上

廬學

廬州府志

劉作垣甘肅武威人乾隆十六年知舒城縣創龍山書院置田租建講堂嚴立規條士民蒸蒸然化之

舒城縣志

王成江蘇鎮洋人乾隆二十二年知廬州府爲政務在大體使官與民不隔則弊自除修築城垣建肥津牖以溉民田又葺演

武廳令兵弁隨時訓練

廬州府志

徐鳳階江蘇金壇人官舒城教諭嚴立規條勤於訓課一時英

俊皆出其門

舒城縣志
以上舊志

孫榮昇字曉帆山東膠州人嘉慶十八年任無爲知州恩威並

著建緒溪正蒙兩書院及養濟院士民稱之

無爲州志
以下新修

盧澤字芷泉江蘇山陽舉人嘉慶二十二年官舒城教諭獎掖

後進訓導賂騰鳳亦以能文名舒城人稱爲盧賂

舒城縣志

王椿林字柳樵山西文水舉人道光初署旌德懷遠補巢縣所

至興利除害表揚節孝清釐詞訟十一年巢縣水決虔禱河神

水勢頓止捐廉辦賑蒸麪爲饘計口散給一日領數日之需饑

民稱便費近二千金

巢縣志

彭鳴九字鶴泉湖南衡陽人懷甯三橋巡檢道光元年調合肥

梁園巡檢好善嫉惡剛直不阿擒獲盜賊擒匪處以嚴刑奸宄斂跡有陳氏節婦爲夫弟偏益者密白上官雪其冤論如律盛夏施丸散解溫疫布衣蔬食廉俸外不取民間一絲一粟愛民息訟懷甯合肥人至今稱誦之以子玉麟官

贈光祿大夫兼振威將軍

行略

沈祥煦貴州松桃廳人道光中任合肥知縣值歲旱步行祈雨甘霖卽沛府城圯捐資重修又捐穀千石倡建豐備倉十九年任宿州政平訟理升泗州知州卒官貧不能具棺衾遺書數篋而已祀名宦祠

開鈔
宿州志

劉丙字石久山西渾源副貢任舒城知縣以勤廉稱道光辛丑水漲賑貧戶禁囤積平米價海疆警官兵道出舒城籌辦供給四民按堵無徭役之累

舒城
縣志

余國卿字方屏四川遂甯舉人道光二十八年署舒城知縣有
告訐者數語折服民以青天呼之歲屢潦匪徒饑民行劫國卿
擒首惡多人解散餘黨勸捐賑濟濱水墳圯骸露封瘞之成隴

焉

舒城縣志

吳祥麟浙江人張文斌

亳州志斌作彬

宛平人先後任合肥知縣均於

咸豐三年從江忠源守廬州城陷同死之文斌字浣江道光閒

任霍邱善治盜賊愛民如子霍邱人勒石誌遺愛是年甫自亳

州調署合肥遂及於難亳人哀思之

合肥縣志霍邱縣志

張埭字松亭漢軍進士勇敢質直巡撫李嘉端奏調至皖咸豐

四年署合肥知縣髮逆據三河鎮埭集練進剿受傷投河死

合肥縣志

縣志

王映奎漢軍人任合肥知縣咸豐八年七月髮逆自舒城犯廬

州城陷死之事

合志兵

穆其琛字海航四川華陽舉人巴縣教諭同治元年總督曾國藩奏調隨營代理無爲州知州以守城禦寇靜鎮堅定奏准實授時州城初復庶務草創其琛簡要節儉以息民爲事尤愛植士林買半墩田畝爲學校公需五年卒官

無爲州志

蔡家馨字楚香湖北鍾祥拔貢同治四年任巢縣知縣兵燹之餘經營善後勸捐重建學宮於縣治故址又建書院考棚於定林寺廢址

巢縣志

陳元泰咸豐十一年以府經歷署舒城縣帶勇擊賊吳家畝九井等處又會同楚軍剿賊中梅河并克復縣城生擒賊目販天燕等積功保知縣修理城垣設米倉凡善後事宜次第具舉

採訪

冊呈

重修安徽通志卷一百四十七

職官志

名宦 十一

鳳陽府

漢宋均字叔庠安眾人建武中遷九江太守郡多虎患均到退
奸貪進忠善虎遂東渡中元元年山陽楚沛多蝗飛至九江郡
輒東西散去後漢書本傳

梁統烏氏人世祖時爲九江太守有治績吏人畏愛之後漢書本傳
元賀宕渠人肅宗時歷九江太守沛郡太守以清潔稱後漢書第五倫傳

樂巴內黃人順帝時遷沛相有政績後漢書本傳

楊匡陳畱人順帝時補蘄長政有異績一統志

陽球漁陽泉州人建甯中拜九江太守時九江山賊起連月不

解球到設方略凶賊殄破收郡中奸吏盡殺之

後漢書本傳

王吉浚儀人熹平中爲沛相曉達政事能斷察疑獄發起奸伏

多出眾議專選剽悍吏擊斷非法

後漢書本傳

袁忠汝陽人初平中爲沛相乘輦車到官以清亮稱

後漢書袁安傳

時苗建安中爲壽春令始之官用黃犢牛駕車歲餘生一犢及

去爲主簿曰令來時本無此是淮南所生也畱之而去

後漢書紀

舒仲應建安中爲沛相袁術以米十萬斛與爲軍糧仲應悉散

以給饑民術怒將斬之仲應曰知當必死故爲之甯可以一人

之命救百姓於塗炭

後漢書袁術傳

魏鄭渾河南開封人文帝卽位遷沛郡太守郡患水澇百姓饑

乏渾於蕭相二縣界與陂竭開稻田躬率吏民興立功夫一冬

閒皆成比年大收頃畝歲增租入倍常民賴其利刻石頌之號

曰鄭陂

三國志本傳

袁渙陳郡扶樂人爲沛南部都尉是時新募民開屯田民不樂多逃亡渙白太祖曰夫民安土重遷不可卒變易以順行難以逆動宜順其意樂之者乃取不欲者勿彊太祖從之百姓大悅

三國志本傳

晉劉頌字子雅廣陵人武帝時除淮南王相在官嚴整甚有政績舊修芍陂歲用數萬人豪彊兼并孤貧失業頌使大小戮力

計工授分百姓歌其平惠

晉書本傳

宋垣護之字彥宗桓道人爲鍾離太守王元謨攻滑臺護之百舸爲前鋒魏韋元謨水軍大艘連以鐵鎖三重絕護之路護之中流而下以長柯斧斷之惟失一舸餘舸並全

宋書本傳

封延伯渤海人垣崇祖爲豫州表薦之起家爲平西長史梁郡

太守爲政清靜有高士風

南史本傳

齊沈文季字仲達武康人尙書右僕射建武二年魏寇壽春詔刺史遙昌固守詔文季領兵鎮壽春文季入城嚴加備守魏軍

尋遜

齊書本傳

梁曹景宗字子震新野人天監五年魏拓跋英寇鍾離詔景宗

往援破之

梁書本傳

北魏元澄宗室襲封任城王宣武初除揚州刺史下車封孫叔敖之墓毀蔣子文之廟朝議南伐以澄總勒大眾所在克捷詔

書褒美

北史本傳

北周游元任城人歷壽春令譙州司馬俱有能名

北史本傳

王述字長述霸城人仁州總管有能名

北史王熊傳

隋張虔雄清河東武城人歷壽春陽城二縣令俱有治績隋書張虔

威傳

趙軌洛陽人爲壽州總管長史芍陂舊有五門堰蕪穢不修軌

更開三十六門灌田五千餘頃隋書本傳

元孝矩洛陽人拜壽州總管高祖賜璽書曰楊越氛祲侵軼邊

鄙爭桑興役不識大猷以公志存遠略故令鎮邊服懷柔以禮

稱朕意焉隋書本傳

唐員半千字榮期齊州人爲濠州刺史不專任吏常以文雅粉

飾禮化大行唐書本傳

高智周晉陵人拜壽州刺史其治尚文雅行部先見諸生質經

義及政得失既乃錄獄訟考耕餉勤惰以爲常唐書本傳

李瀾永泰初爲斬令梁宋兵興瀾諭降劇賊數千人刺史曹升

襲敗之賊疑瀾賣已執瀾及其弟渤兄弟爭相代死瀾女亦求

代父皆遇害

一統志

張鎰字季權河南人大厯初出爲濠州刺史政條清簡延經術士講教生徒比去州升明經者四十人李靈耀反鎰團鄉兵嚴

守禦有詔褒美

唐書本傳

張萬福元城人幼從征遼東有功累攝壽濠舒州刺史代宗召拜和州刺史賜名正德宗時李正己反屯兵埭橋江淮漕船不敢踰渦口乃以萬福刺濠州帝曰先帝改爾名正者所以褒也朕謂江淮草木亦知爾威名若從所改恐賊不曉是卿復賜舊名萬福馳至渦口駐馬於岸悉發漕船賊兵倚岸熟視不敢動

改泗州刺史

唐書本傳

李遜字友道趙郡人累遷濠州刺史時觀察使多額外浮斂遜

一不應唐書本傳

侯固大中閒濠州刺史奏乞增植桑無加稅有石刻在定遠縣

門唐書本傳

許孟容京兆人辟武甯張建封府李納以兵拒境建封遣使諭止前後三輩往皆不聽乃使孟容見納敷引順逆納既悔謝罷兵表爲濠州刺史德宗知其能召拜禮部員外郎唐書本傳

南唐李延鄒鄱陽人濠州錄事參軍郭廷謂降周時命草降表延鄒責以忠義廷謂以兵脅之延鄒投筆曰大丈夫終不負國爲叛臣作降表遂遇害南唐書郭廷謂傳

五代周楊承信沙陘人顯德中擢中正軍節度使時徙州治下蔡承信增廣其城敗淮人於廬州累歷藩鎮刻勵爲政遺愛在

人宋史本傳

宋王郁臨江人爲濠州判官將歿謂家人曰吾歷官逾五十年

慎於用刑活人多矣後必有興者

宋史王欽若傳

王審琦字仲寶洛陽人建隆二年爲忠正軍節度使在鎮八年爲政寬簡所部邑令以罪停其錄事吏幕僚白令不先咨府請按之審琦曰五代以來諸侯強橫令不專縣事今天下治平我忝守藩維而部內宰能斥去黠吏何按之有

宋史本傳

王祚并州祁人周顯德初華州刺史改鎮潁州均部內租稅補實流徙以出舊籍州境舊有通商河歲久湮塞祚疏導之遂通舟楫宋初升宿州防禦使課民鑿井修火備築城北隄以禦水

災

宋史王薄傳增修

梁延嗣長安人太祖時爲濠州防禦使有善政詔書褒美

一統志

楊覃字申錫浙人淳化中同判壽州巡撫使潘慎修上其政績

有詔嘉獎就命知州事數月詔還未上道會丁內艱州民列狀

乞畱轉運以聞

宋史本傳

崔立字本之鄆陵人眞宗時知安豐縣大水壞期思塘立躬督

繕治踰月而成

宋史本傳

劉航魏人眞宗時知宿州押伴夏使使者多所邀請執禮不遜

且欲服毬文金帶入見航皆折正之

一統志

江澤天禧中知定遠縣率民修廢塘濬古港以灌高仰之地賜

詔獎焉

一統志

張式字景則建安人天禧時知濠州州人縊其妻而以自殺告

獄既具式詰之立伏人以爲神終身不營田宅得祿卽以置書

曰子孫業此足矣

南畿志

趙師揆字元輔除江東提舉奏免失陷常平人毋責償改淮南

漕尋遷淮西提刑兼領屯田事奏以荒圩給軍士其屯田爲民
世業者勿奪從之及代去吏請獻羨錢二十萬師揆曰後將病
民矣宋史本傳增修

魏掞字子浩知壽州盜殺寺童子有司執僧笞服掞廉知非其
罪脫械縱去一府爭以爲不可後數日得眞盜宋史本傳

李若谷豐人知壽州豪右多分占芍陂陂皆美田夏雨溢壞田
輒盜決若谷撻冒占田者逐之每決輒謁陂諸豪使塞隄盜
決乃止宋史本傳

連庶字居錫應山人仁宗時爲壽春令興學尊禮秀民以勸其
俗開瀕淮田千頃縣大治宋史本傳

張旨字仲微河內人明道中淮南饑自詣宰相陳救荒之策命
知安豐縣大募富民輸粟以給餓者既而濬淝河三十里疏泄

支流注芍陂爲斗門溉田數萬頃外築隄以備水患

宋史本傳

王克臣字子難洛陽人仁宗時通判壽州鼓角卒夜入州廨繫郡將既就擒而監軍使所部被甲操刃立庭中克臣徐言曰此不過爲盜耳遣甲者去戒卒勿妄引他人眾歡服

宋史王審琦傳

朱壽隆字仲山諸城人仁宗時知宿州州多劇盜至白晝被甲

剽攻郡縣不能制壽隆設方略耳目捕斬千餘人

宋史本傳

吳奎字長文濰州人至和二年知壽州專以仁恕及民事至立

斷吏民久而思之

舊注宋史本傳按本傳不載

張昇字杲卿韓城人嘗守濠州忠信清儉不受私謁分俸祿以

贍九族

舊注宋史本傳按本傳不載

曾致堯字正臣南豐人知壽州州近京師諸豪大商結權貴號爲難治致堯居歲餘斂手不敢犯人也莫見其以何術而然也

既去壽人遮畱以一騎二卒逃去過他州猶有追之者歐陽修

道碑

盛修已通判宿州建炎三年盜入宿修已被執不屈爲所害南

志

康允之建炎中知壽春府渠賊丁進聚眾萬餘人攻城允之率

軍民固守賊解圍去奏至高宗謂輔臣曰此郡守得人之效也

南

連南夫應山人高宗時守濠州舊有東西二城濠水經其間入

淮南夫決濠水由城西徑達於淮合二城爲一南

楊照濠州將官金圖城急照躍上角樓刺賊俄中流矢卒有統

領丁元者呼其徒毋負國一舟二百人皆鬪死宋史孫

魏孝友字移可甌甯人授迪功郎調濠州定遠令建炎三年潰

卒朱海擁眾數千人入縣界孝友率兵至永康鎮拒之海曰我假道而過秋毫不敢犯尙與公戰乎孝友不納麾民兵擊之海怒悉眾而前民兵潰孝友孤軍弗支遂被執死之事聞贈朝奉

郎官其子

福建通志
新增

邵青紹興中爲兵馬鈐轄濠州陷青巷戰死之

南畿志

王時升紹興中通判安豐軍言淮南土皆膏腴然地未盡闢民不加多者緣豪強虛占良田而無徧耕之力流民襁負而至而無開耕之地凡荒閒田許人割佃戶部議期以二年未墾者如所請京西路如之

一統志

陳洙字聖涯甯進士知壽州安豐縣大興學校括廢田以養士修築芍陂水利邑民賴之性好施予家無贏餘有以貧苦貸

者罄產不靳官終奉議郎

福建通志
新增

劉穎字公實西安人光宗時遷司農少卿淮西總領內府宣限既迫每移供軍錢以應歲輸穎蒐吏弊汰冗員分月綱解自是

不復那移

宋史本傳

王阮字南卿江州人紹熙中知濠州請復曹瑋方田修种世衡射法日講守備與邊民訪北境事宜終阮在濠金不敢南侵

宋史

本傳

崔與之字正字廣州人甯宗時調淮西提刑司檢法官民有窘於豪民逋負毆死其子誣之者其長欲流之與之曰小民計出倉卒忍使一家轉徙乎況故殺子孫罪止徒從之

宋史本傳增修

王寔字定叟東陽人理宗時知濠州節浮費糴粟買馬以備不虞尋差知安豐軍臣寮上言王寔在濠人甚安之不宜輕易詔

再守濠職事修舉

宋史本傳

劉雄飛淳祐四年詔壽春守臣劉雄飛等以元兵圍城捍禦有

功各官三轉

宋史理宗紀

李庭芝字祥甫應山人賈似道鎮京湖起爲制置司參議移鎮兩淮柵清河五口增淮南烽火百二十繼知濠州復城荆山以

備淮南凡所籌措皆切中機宜

宋史本傳

趙士隆字景瞻太宗之後淮南西路兵馬鈐轄駐壽春劇賊丁一箭取號十萬攻城三旬不退士隆募軍中敢死士數百出賊

不意擊走之

宋史本傳

張斌理宗時爲濠州統制柘塘之戰歿於王事贈官三轉

宋史理宗紀

紀

劉泰樞密院忠義軍前正將慷慨好義以私財募兵三百金人犯壽春泰率所部赴援轉戰身被數十創一夕死

宋史本傳

元王庭玉字國寶清苑人至元十五年授招信路總管府達魯

噶齊崇教化勸農桑勵風俗境內稱治

南畿志

李良佑泰山人爲靈璧縣尹縣經兵燹城郭爲墟至元二十四

年復立縣良佑相度形勢內廨外市皆所經始

江南通志

張晉亨南宮人世祖中統四年命將兵戍宿州首言汴隄南北

沃壤閒曠宜屯田以資軍食乃分兵列營以時種藝選千夫長

督勸之事成期年皆獲其利

一統志

田誠仁宗時靈璧縣丞滿九載父老恐其遷去赴闕言其居職

廉能撫民有道乞還之百姓詔以州判官職復任

一統志

許敏仁宗時壽州州判善持己愛民民奏乞擢用卽用爲本州

同知九載當遷民更乞畱進秩還任

一統志

安汝明甯晉人延祐中尹定遠興利除害三年土田關戶口增

盜息賦均民無勞役

江南通志

嚴忠信東昌人知濠州政尙嚴明大興學校

南畿志舊志入明據定遠縣志移

谷杲字明之至治二年爲安豐路總管有能聲

南畿志

哈刺字元素賜姓金至順間爲鍾離縣達嚕噶齊平反冤獄政

爲諸邑最

南畿志

吳昇字起東黃巖人至正間尹虹縣性廉潔才具亦優士民稱

之

江南通志

張謙字文益高唐人至正六年安豐路總管歲饑賑卹有方多

所全活

南畿志

明蔣子杰奉化人洪武初知鳳陽府寬嚴相濟惠政甚多

南畿志

樂徵洪武初知虹縣政教修舉百廢皆所興造

江南通志

樂瓚陽城人洪武初知臨淮縣才具廉幹賦役均平

江南通志

鄭真鄞縣人洪武中教諭臨淮多方造士會晉王之國道經臨

淮召講春秋真開陳大意王甚喜

南畿志

周榮蓬萊人洪武中靈璧縣丞有惠政坐累逮刑部耆老羣赴
輦下稱榮賢帝賜鈔及襲衣宴榮及耆老而還之尋擢知本縣

民益樂其寬惠

一統志

楊浩江陵人永樂中知鳳陽府律已無私御下有道

江南通志

楊鏞永樂中知懷遠縣廉謹愛民遷知沂州百姓攀留者數千

人

江南通志

閻斌乾州人宣德初臨淮縣丞盡心撫字吏民愛服將代相率

詣上臺乞畱在官二十三年終始一節

江南通志

何誠字則明莆田人正統初知虹縣清慎慈惠士民愛戴自學
宮至道路百廢具舉訓誨生徒吏胥不尙嚴威每詣村落教民

植桑久賴其利

自學宮以下據福建通志增

秩滿父老三百餘人詣闕請畱

會以疾卒百姓思之久而不忘

江南通志

楊瓚正統閒知鳳陽府持身廉介蒞政公勤入覲賜衣褒勞

江南通志

通志

白玉後軍都督府同知成化元年守禦鳳陽修復芍陂興水利

至今賴之

廣輿記

章銳字元進鄞縣人成化閒知鳳陽府持己公勤讞獄精審修

學宮刻中都志綱舉目張得爲政大體

江南通志

劉概濟甯人成化閒知壽州發奸摘伏豪黠屏跡禁師巫斥淫

祀招延名儒振興黌序尤講禦荒之策量道里遠近分設豫備

倉又建石橋置義冢古良牧無以過焉

江南通志

孫治字五美清江人成化進士知臨淮縣守己愛民興學作士

時權闢汪直陳廣以選妃責貢繼至所在需索動以千計治持

正不阿竟爲二宦所中政安東遂棄官歸

江南通志
新增

曾大有字世亨麻城人宏治中知定遠縣凡費舍官廨城郭坊

市悉爲增拓修治撲滅妖氛孔布等一境宴然

江南通志

吳九宮雲南後衛人正德初知臨淮縣莅政清平存心慈愛行

取赴闕士民追送畱鞭懸於縣門之左

江南通志

楊麓字孔瞻德州人正德初知定遠縣創建甌城民賴保障

江南通志

通志

陳伯安字汝止黃陂人正德六年以御史謫知靈璧縣時流寇

楊虎擁眾來攻伯安被執不屈賊義而釋之歸益籌守禦之計

增高城若干尺鑿河八尺以環其外邑以獲全

江南通志

蔣賢隴州人正德六年授靈璧主簿嚴正有爲會楊虎入寇賢

與指揮錢英率民捍禦被執大罵不屈皆遇害

南畿志

趙楷嘉靖間知鳳陽縣身服布袍出入跨一羸馬從役二三人不畏強禦豪猾望風斂跡三曰一至學宮拔弟子之秀者廩給之多所成就

江南通志

劉熇字德輝完縣人嘉靖四年知定遠縣時大饑疫邑里蕭然熇撫循三年逃者以集居者以饒

江南通志

劉采麻城人嘉靖中宿州知州歲饑請發帑金轉糴代民輸賦俟秋成取償漕使者不可采竟矯發之及秋而償民無負者

統志

劉天民字希尹歷城人嘉靖初知壽州崇獎節孝懲刈頑梗立鄉社以厚風俗北門石橋久圯增修二百餘丈積穀三萬石以

備水旱

江南通志

林大槐莆田人嘉靖閒知懷遠縣持身清約日食止一蔬修復

陂塘積儲倉粟卒於官至無以爲斂士民悼之

江南通志

張淵江西人隆慶初知鳳陽縣每節省歲支公費及兌運餘米以代百姓之不能輸者加意卹民而嚴於馭吏以蜚語劾去吏有進藏中鏹爲道里費者笑曰吾肯以休官易操耶斥不受

江南通志

陳永直蒲州人萬厯中授鳳陽捕盜通判執法甚嚴初至獲劇

盜折其脛沈淮水中四境肅然

江南通志

王存敬字明洲確山人萬厯三十年知懷遠縣時凶荒頻仍亟

圖休養墾荒賑饑仁聲播於遠邇

江南通志

黃克績晉江人萬厯中知壽州愛民禮士不避權要常語寮佐曰受職自有定分名節千古不磨申請編派等則名曰一條鞭

至今賴之

江南通志

賈應龍安陽人萬厯中知臨淮縣縣自國初爲鳳陽府治後府移鳳陽而縣仍名爲附郭凡公事皆與鳳陽一例協辦民吏重困應龍始申請免之又調兩驛夫馬皆得均平

江南通志

陳泰交莆田人萬厯中知靈璧縣首革催頭包攬之弊除河夫

馬戶外幫與里甲各色科掇流亡復業者數千家

江南通志

張中蘊永嘉人萬厯中知懷遠縣性亢直居官不攜眷屬一綈

袍數年不易後擢鳳陽府

江南通志

張日益同安舉人知靈璧縣時河工興作動派里夫民苦額外

征十室九竄日益請於上官第用帑金招募或願赴役者如數

復其身上官急催役日益又具靈璧饑窮狀請寬之以賦不及

格轉王官老幼泣送之爲立去思碑

福建通志新増

范紹裘字次濂會稽人天啟初任糧馬通判署司理事攝鳳陽

臨淮篆所至以廉能稱時鎮守太監劉鎮建魏璫生祠於臨淮

紹裘不肯屈膝世尤服其勁節

江南通志

高達襄陽人崇禎七年流寇將犯懷遠達設兵多方疑誤賊引

去

懷遠縣志

周沂字友抃崇禎間壽州學正勤於課士流寇圍城躬親守禦

著守壽紀略一卷

壽州志

張國翰鳳陽衛指揮崇禎八年流賊攻城督眾力戰退之十七

年劉良佐叛兵攻城又募敢死之士縋城出戰城以得全

江南通志

顏容暄漳州人復聖裔知鳳陽府流賊犯境遣兵助朱國相接

戰及聞敗暄冠帶坐堂上罵賊不屈賊殺之火其屍於堂階石

上血漬成形宛如其像郡人立冢建祠祀焉

明史尹夢龍傳

莊祖誼成都人崇禎中知懷遠縣甫下車卽設計擒崔乾兩劇

盜以卓異聞

江南通志

唐良銳全州人崇禎中靈璧知縣十五年流寇陷城抗罵死一統志

李彬呈貢人崇禎中知定遠縣當流寇蹂躪之後總兵黃得功移鎮定遠彬爲修城練兵廣儲積造火器招撫流移協力護持民甚賴之

江南通志

國朝史記功滿洲人順治中知鳳陽府瘡痍之後以撫綏爲事輕徭省賦勸課耕桑民皆樂業

一統志

張純熙眞定人順治閒進士授鳳陽推官嚴明有守猾吏不敢營私權要請屬概拒不應以持正稱

一統志

張啟泰長山人順治初知鳳陽縣當兵革之後撫育黎元獎拔

士類人咸德之

江南舊志

潘登貴字天章嘉定州人順治初知懷遠縣時兵戈甫定民氣

未復登貴寬和鎮靜一以噢咻爲治境內始安

江南舊志

傅鎮國順治初知懷遠縣積衰之後大加整飭驛遞則馬歸官

養錢糧則里收吏解招流移重學校誅劇盜禁封船嚴越訴皆

稱美政

懷遠縣志

王渠字再旦長山人順治初知壽州州頻經寇亂廬舍蕭條渠

一意休養釐剔弊蠹剪除強暴爲民捍患禦災又加意造士禮

高年使諭民爲善居數月教化大行

江南通志

李大升字木生猗氏人順治閒知壽州莅政精敏境內水利久

湮爲重修芍陂塘躬督畚鍤田疇資以灌溉清里甲革耗羨誅

鉏姦蠹捐貲修學建東西齋舍集諸生獎誨之一科獲雋者十

有三人爲州中盛事

江南通志

王業北平人順治初知壽州下車廉胥蠹爲民害者立除之一境稱快六年洪水驟至城門不得闔挺身躍入甕城水中一手持重賞一手持刀云用命閉門者賞不用命者誅一時併力閉門億萬人得免沈溺

江南通志

許明儒涑水人康熙閒知懷遠縣以事謫戍南甯就道之日士民攀轅號泣餽贐者數百人邑人楊麗州等送至戍所始歸

懷遠志

縣志

唐暄字晴溪全州人康熙閒知懷遠縣自題楹帖云誰謂民愚毀譽尙存三代直自知己拙先勞莫放一時閒

懷遠縣志

馬驕字宛斯鄒平人康熙初知靈璧縣嚴革雜項之弊有申文一通爲當時傳誦大略以靈璧凋殘之區雜項甚爲民害凡一

切陋規濫派等弊皆悉心釐剔隨時出示革除邑人凌縣祚等

列款額請上司勒石以垂久遠

靈璧縣志

聶士貞字元次監利人康熙閒知定遠縣先是邑苦逋賦或株

繫無辜士貞盡行省釋令以限完納逋戶感德輸賦倍早期年

流民盡歸田畝墾闢因崇學校獎節義優耆老卹尅獨事簡民

安鞭笞不用以憂去官士民號泣遮留三日方出境

江南通志

貢震字潯雷江陰人

靈璧志作拔貢

乾隆初知建平縣在官五年賑災

卹士禁淫祀建育嬰堂勤求水利勸築圩田謨縣志未成而去

祀懷仁祠

廣德州志舊志

調任靈璧愛民如子長於治水著河防錄

河渠原委二書一縣水道瞭如指掌道光十九年奉准祀名宦

祠

靈璧縣志新增

朱展江蘇江甯人乾隆十六年知壽州慈於臨民而簡於事上

城傾圯請修工竣而餘石尙多人請以治公署不許固請爲之
會高家堰興工壽州例備石若干期甚迫石無所出展焚香祭
山鳩工開鑿得積石數窖咸以爲至誠所感云壽州志

朱成阿正黃旗人乾隆十八年知臨淮縣地當孔道往來供億
皆有節度徭役以均臨淮縣志

鄧基廣東香山廩貢乾隆二十二年任鳳臺知縣濬濕泥黑濠
裔溝三河築長湖大山等壩建魯村灣石牐三十五年任壽州
知州修安豐塘鳳皇早口牐及眾興集蓄水壩蓄洩以時民食

其利壽州志鳳臺縣志新增

七十一字椿園滿洲鑲紅旗人侍衛世管佐領乾隆二十七年
官壽春鎮總兵軍政整暇愛拊士卒訓練騎射時時讀書著有

西域聞見錄壽州志新增

席妃江蘇吳縣人乾隆三十年知壽州政尙寬平澤以儒術輯州志增修書院建青雲樓濬泮池立普濟堂芍陂蔡城二塘水利所關時浚治之居官三年毅然以興利除弊爲己任

壽州志

趙隆宗乾隆三十年壽州州同時州牧鄭基興芍陂水利隆宗董其役守牆門無得私爲啟閉犯者必懲率民夫早晚興築四閱月而工成

壽州志

陳杰正白旗人乾隆三十二年任壽州鎮總兵恩威并著弁卒畏懷之尤卹民隱歲旱於烈日中免冠躡屣禱於山三日甘霖

大沛

壽州志

定桂滿洲鑲黃旗人乾隆五十年官壽春鎮總兵與士卒同甘苦深得軍心嘉慶初帶兵河南堵禦教匪戰於光山駐防茨河

淮潁賴之

壽州志
新增

王集漢軍人嘉慶三年任總兵統馭有方靜鎮不擾七年壬戌

宿州亂偕廬鳳道珠隆阿剿滅之厥功最著

壽州志

沙琛雲南太和人嘉慶六年知懷遠縣壬戌宿州民亂距縣甚

邇琛捐俸募鄉勇訓練爲堵禦計鎮兵至賊窮威就斃畏懷遠

之扼其衝也

懷遠縣志
以上舊志

李兆洛字申耆江蘇武進人嘉慶十三年以庶吉士改鳳臺知

縣精明果毅四境肅然築焦岡圩課民耕種積官稻七千石纂

修縣志典核詳明有神吏治

鳳臺縣志
以下新修

舒夢齡字蘇橋湖南進士道光九年任鳳陽知縣以民耕不得

法多歉收募湖南老農教之造脚車漕水溉田捐修大小溝口

兩石牯置風車於牯上遇淮漲北溢時車水入淮人利賴之後

知亳州勤儉自厲累升鳳陽知府廬鳳道

鳳陽縣志
亳州志

張清元字鏡川山西渾源舉人道光十一年任懷遠知縣歲饑大水竭力賑濟十七年知定遠縣清釐積案督捕蝗蝻以米易蝗得不成災再調懷遠士民泣送之

懷遠縣志定遠縣志

呂彩字江花舉人嘉慶閒任懷遠訓導清介自持諸生但以園蔬爲餽彩勤於考課善談名理以爲己爲學或問進取之功彩曰不損則益當熟操其所得不虧則補宜審慎其所爲

懷遠縣志

裘安邦紹興武進士勇力絕人道光六年官壽春鎮總兵御眾有威訓練精勤汰除營汎朋扣積弊親給兵餉不假手將弁故

卒憚其威而樂爲之用調徐州鎮卒

壽州志

郭世亨字梅卿浙江蕭山人大興籍進士由庶吉士道光十九年任太平知縣清積案擒劇盜興文教民情悅服歷署蒙城亳州無爲州均有政聲咸豐元年署宿州撰好百姓歌民多感化

仿僱役法差徭不擾訊鞠擒匪無枉無縱五年卒官六年祀名

宦

太平縣志 亳
州志 宿州志

孟傳嶧字舉山山東鄒縣人道光二十五年任鳳陽知縣愛民

如子聰斷公明設義倉築汜可亭於府縣夾城聯絡保衛鳳陽縣志

沈承怡字少餘遼東吉林人官貴池之李陽合肥之青陽巡檢

屢獲巨盜擢府經歷署廬江定遠等縣知縣禽斬盜賊稱最旋

卒

徐子苓
文集

李成虎直隸安平武進士侍衛補廬州都司署宿州營遊擊升

甘肅花馬池參將調攻烏江賊巢以功加副將銜咸豐五年率

勇駐香泉鎮由石跋河剿賊手刃三十餘人與外委王士貴吳

錫福攻破駐馬河三壘陣亡奉

旨優卹建專祠世襲輕車都尉

宿州志 和州志
全椒縣志

李光觀狄永順俱江蘇銅山人先後任宿州營百善汛千總耿超銅山武舉任宿州城守汛把總光觀在巢縣打仗陣亡永順超並在宿州濉溪口打仗陣亡

宿州志

賈爾畿官懷遠巡檢入於其任民甚安之咸豐八年賊犯上谿

殉難

懷遠縣志

周佩濂字怡芳貴州鎮遠舉人咸豐四年任南陵知縣堵禦粵寇不避艱險八年署定遠縣九年五月捻逆龔得園撲縣城登陣守禦圍解保同知直隸州六月捻逆勾髮逆復薄城下佩濂晝夜巡城齧指出血激勵眾心誓以死守賊用地雷乘夜轟塌城垣佩濂率士民巷戰重傷死之是年七月奉有官聲素好力竭捐軀不愧爲守土之吏等

諭贈道銜建立專祠世襲雲騎尉其族親幕友同時殉難之外委周汝

諮六品軍功周丙濂廩生沈雲登沈仁普附生金福鴻文童沈
梁賴文光宋錫祥從九品舒習謙章懋守備蔣有龍等照例議
卹一併附祀

南陵縣志
定遠縣志

紀瑛振直隸獻縣人道光二十六年任定遠典史咸豐七年再
任九年捻撲定遠瑛振已受代仍與署爐橋主簿陳師威署典
史傅崇梅等守城均死之

定遠
縣志

蔡鏐貴州拔貢署鳳臺知縣屢勸苗沛霖誠心歸順同治二年
巡撫檄赴下蔡張貼散練告示鏐剴諭苗逆率眾歸正被逆禁
錮殺害棄屍河中最慘曾國藩以鏐大節無虧請將巡撫原參
之案注銷仍照知縣陣亡例優卹得

旨允准

兩江奏
稿鈔存

七畝尺可有人王鳳臺縣典史司治二年署知縣時苗逆復叛

重修安徽通志

卷一百四十七

職官志 名宦

大

鳳陽府

城陷殉難鳳臺縣志

鳳凰縣志臺

重修安徽通志卷一百四十八

職官志

名宦十二

潁州府

漢何敞字文高平陵人其先家於汝陰永元間爲汝南太守以寬和爲政遣儒術大吏按行屬縣顯孝弟有義行者及舉冤獄輒以春秋義斷之百姓化其恩禮其出居者皆歸養其父母追行喪服推財相讓者二百許人修濬鰲陽舊渠墾田增三萬餘頃

後漢書本傳

宋登字叔陽長安人汝陰令爲政明能號爲神父

後漢書本傳

徐宏字聖通爲汝陰令縣多大姓怙強軌法宏至廉其尤者擒

治之風俗一變

後漢紀

虞延字子大陳畱人建武初除細陽令每歲時伏臘輒遣徒繫歸家並應期而還有囚於家被病自載詣獄既至而死延率吏

掾殯於門外百姓感悅

後漢書本傳

陳重字景公宜春人爲細陽令布政有異化

後漢書本傳

魏盧毓字子家涿郡人植子譙郡太守文帝以譙舊鄉大徙民充之以爲屯田而土地磽瘠百姓窮困毓愍之表徙民於梁俾

就沃衍

三國志本傳

徐邈字景山薊人譙相盧欽著書稱之曰徐公志高行潔才博氣猛高而不狷潔而不介博而守約猛而能寬聖人以清爲難而徐公之所易也

三國志本傳

宋李熙國鰲陽令元嘉初散騎常侍王歆之等上言前鰲陽令李熙國任事有方人思其政故山桑令何道自少清廉白首彌

厲應加褒賁以勸於後

南史阮長之增修

北魏劉模信都人太和初守潁州寬猛相濟有治聲後遂家於

潁

潁州志

北齊叱干苟生以儀同鎮南兗州周武破鄴赦書至苟生自縊

死

一統志

唐柳寶積永徽中潁州刺史修椒陂塘溉田三百頃

明統志

李岵潁州刺史興利除害得民庶心

舊唐書本傳

姚崇字元之硤石人中宗時爲亳州刺史

唐書本傳

李繁泌子敬宗朝出爲亳州刺史州有劇賊爲患他刺史不能

禽繁有機略悉知賊巢出兵捕斬之御史舒元與繁素隙以

爲濫殺有詔賜死人皆冤之

唐書李泌傳增修

楊凝字懋功宏農人沛帥董晉表爲判官亳州刺史缺晉以凝

行州事增墾田決圩堰築隄防水患以息

唐書楊憑傳

宋王旭字仲明莘人知潁州荒政修舉

宋史王祐傳

戚綸字仲言楚邱人太宗時知泰和縣江外民險悍多搆訟綸

爲諭民詩五十篇因時俗耳目之事以申誨老幼多傳誦之每

歲時必與獄囚約遣歸祀其先皆如期而還

宋史本傳

劉渙字凝之筠州人爲潁上令以剛直不能事上官棄去家於

廬山之陽歐陽修高其節作廬山高詩以美之

宋史劉恕增修

邵亢字興宗丹陽人仁宗時授潁州團練推官晏殊爲守一以

事委之民稅舊輸陳蔡轉運使欲復折緡錢且多取之亢言民

之轉輸勞費已甚方仍歲水旱又從而加取無乃不可遂止

宋史

本傳

晏殊字同叔臨川人以工部尙書罷知潁州手植雙柳於西湖

後人思之爲建雙柳亭

宋史本傳
南畿志

李迪字復古鄆城人景祐二年知亳州亡卒羣剽掠城邑發兵捕之久不得迪至悉罷所發兵察知賊匿處部勒驍銳士擒斬以徇仁宗初知舒州多善政

宋史本傳
一
統志
增修

宋祁字子京庠弟知亳州治事明峻好作條教

宋史宋
庠傳

歐陽修字永叔廬陵人左遷滁州以鎮靜爲治居二年徙潁州塞白龍溝蓄水西湖灌田以爲民利又建書院俾潁人咸知向

學

宋史本傳
南
畿志
增修

蘇頌字子容南安人以集賢校理知潁州仁宗山陵有司以不時難得之物屬諸郡頌曰遺詔務從儉約豈有土不產而可強賦乎量其有無事亦隨集

宋史
本傳

蔡齊字子思膠水人以戶部侍郎出知潁州頌始立學齊所請

也卒後潁人見其故吏猶號泣思之

宋史本傳

段少連字希逸開封人仁宗時知蒙城縣通敏有才事無大小

剖決如流尤厲風節不爲權要所屈

宋史本傳

謝絳字希深富陽人知汝陰縣善議論喜談時事嘗論四民失

業累數千言

宋史本傳

趙宗道字子淵嘉祐四年京西大饑轉運使請擇賢郡守以蘇

災黎宗道被選知潁州賑給存勞不遺餘力瘡痍漸起流亡以

復

南畿志

張知白字用晦滄州清池人知亳州御史王嘉言知白守道循

公當官不撓

宋史本傳

宋庠字公序雍邱人英宗初出判亳州庠前後所至以鎮靜爲

治

宋史本傳

富弼字彥國河南人熙甯二年拜武甯節度使同中書門下平章事判亳州青苗法出弼謂如是財聚於上人散於下持不行

宋史本傳

何執中字伯通龍泉人爲亳州判官毫數易守政不治曾鞏至欲振起之一見合意事無纖鉅悉委以劑決有妖獄久不竟執中訊諸囚卽叩頭引伏

宋史本傳增修

葉康直字景溫建州人知亳州通濬積潦民獲田數十萬頃

宋史

本傳

馮京字當世江夏人知亳州諸縣公事至卽處斷呼法吏決罪不以付獄人服其敏

宋史本傳增修

曾鞏字子固南豐人歷知亳州所至務去民疾苦

潁州府志

劉放字貢父新喻人知亳州謝上表有云誓殞百身弗渝一志

可以知其概矣

潁州府志

蘇軾字子瞻眉山人元祐六年以龍圖閣學士出知潁州時將鑿黃堆注之於淮軾以水平准之淮之漲水高於新溝幾一丈若鑿黃堆必爲淮水橫流潁地爲患乃言於朝從之郡有宿賊久不獲軾召汝陰尉李直方擒獲之朝議以小不應格推賞不及軾請以己之年勞當改朝散郎階爲直方賞不從其後吏部以軾當遷軾謂已許直方又不報

宋史本傳

張洞字仲通祥符人調潁州推官州民劉甲老强弟柳鞭其婦既投杖夫婦相持泣甲怒偏再鞭之死吏當夫法洞律以教令者爲首夫爲從且非其意不當死已而讞於朝果如洞言

宋史本傳

修

增

范祖述華陽人監潁州酒稅攝獄掾閱獄活兩死囚州人以爲

神一統
志

朱光庭字公揆偃師人元祐六年由給事中謫知亳州程伊川稱其在家臨民泣事造次動靜一由至誠

府志

陸佃山陰人哲宗時知潁州佃以歐陽修守潁有遺愛爲建祠

字

宋史本傳

曾悟字蒙伯靖康閒爲亳州士曹金人破亳州被執抗辭嫚罵眾刃剜之妻孥同日被害

宋史曾志傳

陳規字元則安邱人由顯謨閣直學士徙知池州入對首言鎮撫使當罷諸將跋扈請用偏裨以分其勢上皆納之遷龍圖閣直學士改知廬州尋召赴行在以疾辭復起知德安府改順昌葺城壁招流亡立保伍會劉錡領兵赴京畱守過境傳金人已入京城規卽告錡城中有粟數萬斛勉同爲死守布設粗畢金

兵踵至規與錡激諸將爭奮斬獲烏珠

史作兀朮

宵遁

宋史本傳增修

金劉均林慮人正大閒爲亳州觀察判官天興初提控楊春納款於元後裔均同降均佯應之歸取朝服服之顧謂妻子曰我起身刀筆仰荷上知始列朝署又佐大藩死亦足矣今頭顱已如此假使有十年壽何以見先帝於地下乎卽仰藥而死

一統志

志

李用宜正大時爲城父令天興元年元石總管入亳州屬縣皆下惟用宜不降其妻子在亳降將楊春以爲質竟不屈而死

一統志

王進金末遷亳州節度判官後以復亳州功授本州節度使鎮防兵變魏節亨王賓俱遇害進自誓以死守亳詔以進爲集慶軍節度使便宜從事未幾亦被害

一統志

元蓋苗元城人至正元年知亳州修學宮完州廨有豪強占民

田爲己業民五十餘人訴於苗苗訊治之豪民咸自引服苗曰爾等罪甚重然吾觀皆有改過意遂從輕議

一統志

教化迪延祐元年太和縣達嚕噶齊均徭平訟勸課農桑歲旱虔禱卽雨邑中火災迪往救有反風之應蝗不入境比代父老攀輓不得行

江南通志

巴延史作伯顏國公脫脫孫城父縣達嚕噶齊爲民追賊奮不顧

身爲賊所害民於福甯鎮立祠祀之

元史本傳

張柔字德剛易州定興人鎮亳州環亳皆水非舟楫不達柔贊城壁爲橋梁屬汴隄以通商賈之利復建孔子廟設校官弟子

員

元史本傳

歸賜字彥溫汴梁人至順初同知潁州鋤姦擊強人不敢以少

年易之

元史本傳

怯列至順二年尹霍邱勸課農桑修舉廢墜爲一時良吏

元史本傳

王公孺汲縣人以奉議大夫知潁州廉潔安靜與民休息

江南通志

明張文弼洪武元年知亳州創建州治學宮勤於撫字流亡復

業六年改爲亳縣調知他州

江南通志

李天祐洪武元年同知潁州兵燹之後庶務草創天祐隨宜經

理招撫流移民始復業

江南通志

車誠餘姚人洪武四年知潁上縣以誠信治民課最擢知光州

江南通志

黃良洪武五年知太和縣廉介愛民修縣治建黉宮造士課農

不期月百廢具舉

江南通志

盧試榮東陽人正統元年知亳縣重修學宮創建義門倉儲粟

以便賑給

江南通志

游兆福建人洪武七年判潁州修築清陂塘民永賴之

江南通志

鄭祺字彥禧貴溪人景泰初知潁上縣廉仁有聲舊田制編戶一十三里祺增爲十七里賦斂以舒秩滿士民乞畱遷通判仍

知縣事三年

江南通志

高昇阜城人天順中知霍邱縣縣故無城昇督民築土垣以爲捍禦霍邑之城自此始

江南通志

孫景名富陽人正統六年知潁州興學校隆秩祀以清惠牧民得爲治大體

江南通志

孫震字景威鄆陵人正統元年知蒙城縣勤敏廉幹百廢修舉建社學二十餘所教化大行

江南通志

賀思聰永平人成化十三年知亳縣慈惠宜民以憂去服除士民伏闕乞畱許之在官尤以備荒爲務儲粟至二萬餘石

江南通志

劉讓江西人宏治初知潁州州衛異屬兵每虐民讓至有犯者

悉寘之法軍伍帖然

江南通志

孫誠新河人知霍邱縣霍自前令高昇始築土城誠至易土以

甑民樂趨事不數月工竣屹然保障

江南通志

王閔曹縣人宏治九年知太和縣廉明剛正不畏強禦吏民敬

畏方之包孝肅

江南通志

王沂滋陽人宏治中復升亳縣爲州沂來知州事善決疑獄重

修大成殿建明倫堂築壇壝治公廨作預備軍儲等倉儲粟五

萬石歲饑躬親賑給

江南通志

孟統字儒宗甯陽人宏治中蒙城縣丞廉潔自持修營宮實倉

廩士民感之

江南通志

葉寬字德夫晉江人正德四年知蒙城縣縣故無城流賊至焚

燬民舍抄掠至慘寬為築甌城浚深池得以捍蔽迄今賴之江

通志

趙夔錦江人正德十三年知太和縣政尚寬平值流寇將至增

築城堞甃以甌石江南通志

李天衢字行之樂平人正德中授兵備僉事流寇犯潁上天衢

明號令嚴守禦親冒矢石設奇擊賊旬日遞去更勞來逃民俾

復安集南畿志

何思一作司明福建福清舉人授潁上教諭嚴立課程時為講解

士因此感憤捐俸葺學宮恤貧士之不能婚葬者部使者以學

行兼優獎之福建通志新增

趙塤字平仲餘姚人由戶部員外郎謫亳州同知廉靜自守官

舍蕭然江南通志

傅榮清苑人由尙寶卿謫亳州同知勸學興禮修理城隍倉廩

多所補益

江南通志

劉訥清苑人由鄉貢知太和縣通達政體有守有爲均地利濬

溝渠耕桑交勸民歌思之

江南通志

呂景蒙字修飭象州人嘉靖中由御史謫判潁州悉心奉職不

以遷謫介意繕西湖書院建三忠六貞祠以振風化

江南通志

茅宰山陰人嘉靖十六年由郎署左遷潁州同知時人歌之曰

民之父母豈弟君子我潁茅公可以當此

江南通志

林一陽漳浦人嘉靖中知霍邱縣地阻山出鎮椎埋爲奸一陽

曉以務本保身之道人多從化乃修學校行鄉約立保甲積公

廩政教大行

一統志

陳誥莆田人嘉靖中知潁州除耗羨申減驛馬庫役等費

江南通志

陳趾施州衛人隆慶中判潁州清嚴執法吏有以賂嘗者杖而
還之妻布裙敝垢無他可更乃易綌裳以浣人不能堪趾從容
相慰略不介意

江南通志

謝詔贛榆人萬厯中知潁州裁決曲當鋤強扶弱

江南通志

黃楷永福人萬厯中知霍邱淮水暴溢壞民廬舍溺人畜無算
楷督舟拯救全活甚眾捐俸置學田士民德之

江南通志

王世蔭萬厯中知霍邱縣多惠政築澧河隄以捍水患至今利

賴

江南通志

吳一鸞字文盛麗水人萬厯中知蒙城縣躬履田畝清丈地數

均差徭釐戶口捐修學宮製祭器購書籍置學田又教民鑿塘

濬池以泄水患

江南通志

屠隆鄞縣人萬厯中知潁上縣時城東門患河決築長隄以衛

之一統

志

潘章字星海雲南人天啟六年謫判潁州植一木於庭書天地

神明鑒察六字晨出焚香以拜然後視事

江南通志

趙士寬山東人崇禎七年以蔭任潁州府通判決事精敏流寇

圍潁登陴守禦城陷猶募死士堵殺力竭死之妻崔氏同二女

俱自焚事聞贈卹

明史尹夢鼈傳

尹夢鼈雲南人崇禎七年知潁州城陷手殺數賊中刃墮水死

事聞與通判趙士寬并加優卹

明史本傳

左相申明季知霍邱流寇再破霍城相申被執大罵不屈爲賊

磔死

江南通志

廖維義長壽人崇禎時司訓徐州以禦寇功遷知潁上縣仁民
愛士深得眾心屢卻巨寇鄰邑避難者從之如歸市尋擢御史

百姓遮畱號泣

江南通志

任有鑑山東人崇禎十五年以郡倅署潁州府事潁屢經兵燹戰守無具有鑑以忠義激發人心是年春賊眾犯境率鄉民堵殺所獲馬牛卽行賞賚婦女避難相失者封養署中事定訪其家還之及秋賊盤踞潁地密請兵捕剿會河水漲溢殺溺死者無算潁賴以全

江南通志

張有浚崇禎閒爲霍邱縣丞賊至城陷與教諭倪可大訓導何炳死之

明史盧謙傳

何變晉江人崇禎中知亳州時屢遭寇患變盡心撫輯經營戰守山東河南土寇疊至與戰於盧家廟生擒其魁李忠等戮之又降李龍等數千人十五年李自成陷其城罵賊不屈死

明史本傳

吳世濟字楫侯歸安人崇禎時知太和縣甫至寇賊交訐閭井

驚怖世濟不請兵謂兵甚於賊率丁壯晝夜登陴守禦有方危

城獲全著有禦寇始末傳世

江南通志

國朝吳國用奉天人順治六年知霍邱縣未數月興革協宜凋瘵漸起時山賊陳伯紹擁眾入寇會久雨城圯賊闌入國用揮刀躍馬率甲士巷戰勢蹙馬仆大呼曰吾當以死衛百姓遂自刎事聞

贈按察使僉事蔭一子

一統志 江南舊通志

鮑宏仁潘陽人順治六年知潁上縣性明敏簿書填委據案剖決立盡捐俸錢修東城二百餘丈不煩民力清驛遞禁雜派請豁無主荒地五千餘頃

江南通志

田本沛富平人順治七年知蒙城縣時兵燹之後殫心撫卹釐剔宿弊催科則花戶親輸遞馬則設法官養夏秋米麥二稅悉

除耗羨邑民勒石頌德焉

江南舊志

瞿

府志作瞿

乃慎順治十二年知潁上縣性仁厚不尚威嚴潁田故

多汙萊爲招撫流移勸督墾闢漸成膏壤催輸有法賦辦而民

不擾時有民稱慈母吏畏神君之頌

江南舊志

陳大綸

舊作倫據職官志及太和志改

字理仲定興人順治十四年知太和

舊作

蒙城據職官志及太和志改

縣時田賦混淆流民未復爲裁定畫一之法均

里甲除奸蠹漕糧郵遞徹底清釐舊有邪教誘惑愚民大綸捕

其魁寘之法邑以大治

一統志

喻三畏字念慈奉天人康熙五年知潁州清慎平恕革除耗羨

重築西湖隄岸灌溉桑麻濬濠聞通水利潁人食其德遷建甯

郡丞死耿逆之亂喪過潁土人絡繹奔奠

一統志

竹綠猗涇陽人康熙八年由粵東監司左遷知蒙城以噢咻爲

治徵輸驛遞盡除科羨歲省民錢數千緡聽訟平允上官每有疑獄輒下蒙城讞決以憂去官貧不能束裝江南通志

黃天簡字維叔福建晉江舉人知蒙城縣縣爲山陝孔道過水所經百貨絡繹每漕糧起運令商船分載牙人藉是以困行旅天簡至廉其弊捐俸買數舟爲分載之性勤敏宰蒙城十載鄰

邑勘丈監賑之役多奉檄經理福建通志新增

李月槎字虛舟滿洲人雍正三年知潁州先是潁州試院在鳳陽諸生苦於跋涉月槎創建考棚學使者始蒞試人皆德之潁州府志

沈作霖字沛然蘇州人雍正三年由舉人任潁州學正至五年五月大waters稼又諸生有冤獄縣令加以囚羈時作霖患痢方劇力疾請於巡撫魏廷珍行至舒城病甚僕勸之歸不可抵皖

用繩牀昇見巡撫已僵舌不能語但曰十八箇無辜秀才五十里被災百姓惟公保全耳言已氣絕巡撫感其意爲賑貸昭雪

潁州府志

張志亨字際熙三水進士雍正六年知潁上縣嗜學愛士剛果

強毅屢平大獄持正不阿民敬畏之

潁州府志

孫光祀字晴江漢陽人乾隆元年由刑部郎中知潁州府其繼

母汪氏每以家貲給署中經費使至必語之曰勿以不能迎養

爲念得六邑中無一怨詈聲卽此爲孝光祀承母志悉心圖治

苞苴盡絕

潁州府志

王佳滿洲人知霍邱秉性嚴峭時有剛峯復生之稱

霍邱縣志

葉履旦浙江慈谿人乾隆七年知蒙城縣盡心溝洫開濬新舊

河渠以溉田尤善馭下雖奸吏莫敢舞法

蒙城縣志

劉吉直隸天津人乾隆二十三年知霍邱縣倡修書院置義田
時河道淤塞請帑開濬民不被水災者三十餘保

霍邱縣志

江洵儀徵人乾隆四十二年任亳州明年水決儀封考城壞永
清大橋兩岸廬舍漂沒者數千家洵捐賑修隄令民遷高阜皆
得其所

亳州志
以上舊志

蔣熊昌字澄川江蘇陽湖進士乾隆中任潁州知府凡八年有
政績開東陂西湖濬以利民招文士賦詩其閒

姚鼐文集
以下新修

楊國楨字海梁四川崇慶舉人任潁州知府親督丁役搜捕土
豪置法累遷河南巡撫上蔡議開茅河包河以達於泉河洩康
家陂湖水使爲陸地潁人患之賴國楨力而止潁之上游三丈
陂一帶得免水患

阜陽縣志

劉耀椿字莊年山東安邱進士由庶吉士選潁上知縣築隄壩

濬溝湖斷獄明決吏畏民懷道光六年調阜陽鉅細事必躬親
猾吏屏氣閭閻安帖擢六安知州署廬州知府爲政持大體吏
事民瘼直言無諱十五年任泗州知州懲奸禁暴約束胥吏下
鄉按事但飲民間一杯水案結而吏不知暇步田閒問民疾苦
如家人育才訓士尤有真意遷潁州知府重過潁上父老歡迎
久而益親終福建興泉永道

潁上阜陽合肥六安泗州等州縣志

劉廷槐河南汜水舉人道光初任潁上知縣體民疾苦杜苞直
絕請託遇事明斷吏民畏服與劉耀椿有二劉之目兩署來安
釐奸剔弊除暴安良猛以濟寬時比鄭子產八年任霍邱捕治
豪猾振興書院修城垣學宮及西湖隄岸十年卒官

潁上來安霍邱等縣志

劉曾甘肅固原舉人道光七年任蒙城知縣剔弊除惡宵小斂

跡親督夫役疏通茨河百六十餘里建考棚修書院卒官祀名

宦祠

蒙城縣志

陳葆森四川涪州拔貢道光中任太和知縣開溝渠七十二道

百姓永享其利捐修學廨振興文教

太和縣志

雷時夏字雲峯陝西澄城進士道光二十二年任太和知縣黃水爲災請准賑饑杜絕中飽均里均甲除數十萬徭役之累

太和縣志

縣志

徐青照字穉蘭順天進士道光中知亳州獎士行崇節孝興水

利除水患歷鳳穎道

亳州志

文廷杰字鍾山四川進士道光中知亳州倡捐設飯廠以濟水

災濬河修城以工代賑會剿礪山等處土寇升六安直隸知州

亳州志

史丙榮字穎生江蘇江都進士道光閒任當塗知縣勤政愛民
聽訟敏決調桐城擒治猾賊創試院築江壩修城建倉二十七
年署亳州案無留牘民無遞情建義倉未竣而卒

當塗桐城
亳州等志

陸希湜字毅菴江蘇太倉進士任潁州知府咸豐三年髮逆竄
潁上城陷希湜帶勇收復又敗賊於洞潛集平巨捻陳玉李士
林調勇守淝河扼蒙亳之捻後隨勝保剿捻卒於軍潁民立祠
沈邱集以祀之

阜陽
縣志

恩興字沛田滿洲人亳州營都司咸豐五年與博銘守城拒捻
拊循兵民十三晝夜城圍始解九年調江南河標太湖營都司
協防定遠陣亡

優卹如例

亳州志 翁同書
奏案 定遠縣志

宋維屏廣東花縣舉人咸豐二年任蒙城知縣三年髮賊犯境

城陷與弟維熾維翰維鑾同死之奉

旨優卹

蒙城縣志

劉然字乙齋浙江山陰人任亳州吏目咸豐三年髮逆竄亳城陷死之二子一妾皆自經世襲雲騎尉

亳州志

博銘字地輔漢軍正藍旗人咸豐五年知亳州招流亡繕守具捻賊圍城與甘肅總兵朱連泰固守經旬乃解自城東北築外牆至西北凡六里民以安堵支應過境官軍毫不累民父憂毫人籲畱在任守制後升潁州府卒

亳州志

張耀順天涿州人霍邱典史咸豐四年土匪陳玉作亂知縣徐毓寶死之耀代理縣事登陴固守六年捻逆攻三河尖巡檢林佩章禦之陣亡七年髮捻兩逆合眾圍城耀時在典史任誓與城存亡麾三子出城皆不肯曰父死忠子死孝分也城破巷戰

死全家殉難同日三河尖巡檢藍書田開順鎮巡檢杜文瀾三

劉集外委顧建中均死之

霍邱縣志

俞澍順天宛平人咸豐五年以縣丞署蒙城知縣解散捻黨寬撫脅從重修城垣疊次守城堵禦捻苗各逆積功歷同知加知府銜卒於任翁同書以澍積勞病故奏請照知府例奉

旨賜卹喬松年以澍潔己愛民勤勞備至奏蒙

贈道銜准在蒙城縣建專祠

蒙城縣志

張永保署霍邱知縣被議咸豐九年從巡撫守定遠帶勇縋城殺賊多名城陷巷戰死奉

諭開復原官照知縣陣亡例議卹

定遠縣志翁同書奏案

侯樞臣字石甫廣東嘉應舉人咸豐四年署太和知縣時苗捻交江樞臣團練保障兼庇鄰境升知府以道員用十一年禦捻

遇害奉

旨卹建專祠給世職

太和縣志

蘇履中四川奉節人咸豐九年以縣丞署蒙城知縣時苗沛霖設練局城內履中謁巡撫詳陳利害謂宜乘時撲滅十一年苗逆徵蒙練將犯壽州履中密諭邑紳李南華等誅苗黨十餘人以數百人拒苗逆戰皆捷同治二年卸事畱辦蒙防會苗逆圍城出城請援爲逆黨所執遇害唐訓方奏奉

旨議卹祠祀

蒙城縣志

同治十一年英翰奏准建專祠

縣報

濮煒浙江紹興監生同治元年署潁上縣因公赴謝家橋爲苗逆所劫擁至楊村集害之同時有主事秦承堦知縣吳景春運餉鹽至下蔡俱遇苗逆不屈死之均奉

諭旨交部議卹

唐訓方奏案